

**UPUTSTVO ZA POPUNJAVANJE TABELA  
"EVIDENCIJE ZA SVA KRIVIČNA DJELA U KOJIMA SE ODUZIMA IMOVINSKA KORIST"**

**I. POPUNJAVANJE TABELA "POJEDINAČNI TUŽILAC"**

Tabela "Pojedinačni tužilac" se popunjava na način da se u tabeli formira poseban obrazac za tužioca u čijem predmetu (predmetima) se u izvještajnom periodu desio neki od događaja koji se bilježe u ostalim rubrikama tabele.

Tužilaštvo u prva dva reda u tabeli "Pojedinačni tužilac" unosi naziv tužilaštva i ime i prezime tužioca.

**1. TUŽILAČKI BROJ PREDMETA**

U ovu rubriku unosite broj tužilačkog predmeta u kojem se u toku 2022. godine desio neki od događaja koji se bilježe u ostalim rubrikama evidencije. Evidenciju je potrebno popunjavati **za sve vrste predmeta u kojima je u toku 2022. godine došlo do predlaganja mjera osiguranja ili oduzimanja imovinske koristi pribavljene krivičnim djelom bilo u skladu sa Krivičnim zakonom i Zakonom o krivičnom postupku, bilo u skladu sa posebnim zakonodavstvom koje je na snazi u Republici Srpskoj, Federaciji BiH i Brčko Distriktu.**

**2. KRIVIČNO DJELO**

U ovu rubriku unosite odgovarajući broj člana i stava Krivičnog zakona (BiH, RS, FBiH ili BD BiH) ili drugog zakona koji označava krivično djelo kojim je stečena imovinska korist. Ovaj podatak se upisuje prema slijedećem primjeru: KZ BiH 250 (2). Upisuje se samo jedno krivično djelo, to jeste upisuje se primarno krivično djelo u predmetu odnosno ne upisuju se povezana krivična djela. Upisuje se KZ BiH 250 (2) u predmetu u kojem su osuđena dva lica prema slijedećem primjeru:

*"Optuženi xxx se osuđuje na osnovu članova 250. stav 2. KZ BiH, 289. stav 2. KZ FBiH i 209. stav 1. KZ BiH.*

*Optuženi xxx se osuđuje na osnovu članova 250. stav 2. KZ BiH, 233. stav 2. KZ RS i 209. stav 2. KZ BiH."*

**3. FINANSIJSKA ISTRAGA**

U ovu rubriku unosite broj "1" **samo** ukoliko je u predmetu u toku 2022. godine donesena posebna naredba o provođenju finansijske istrage. Ukoliko posebna naredba nije donesena u toku 2022. godine unosite broj "0" ili ostavljate rubriku praznu.

**4. PREDLOŽENO PROŠIRENO ODUZIMANJE**

U ovu rubriku unosite broj "1" ukoliko je u 2022. godini u predmetu podnesen prijedlog za prošireno oduzimanje imovine. Ukoliko prijedlog za prošireno oduzimanje nije podnesen u toku 2022. godine unosite broj "0" ili ostavljate rubriku praznu.

## 5. PREDLOŽENO ODUZIMANJE OD TREĆIH LICA

U ovu rubriku unosite broj "1" ukoliko je u 2022. godini u predmetu predloženo i oduzimanje imovine od trećih lica. Ukoliko oduzimanje imovine od trećih lica nije predloženo u toku 2022. godine unosite broj "0" ili ostavljate rubriku praznu.

## 6. BROJ PRIJEDLOGA ZA PRIVREMENU MJERU OSIGURANJA

U ovu rubriku unosite broj prijedloga za određivanje privremene mjere osiguranja podnesenih u predmetu u toku 2022. godine. Ukoliko prijedlog ili prijedlozi za određivanje mjera osiguranja nisu podnošeni u toku 2022. godine unosite broj "0" ili ostavljate rubriku praznu.

## 7. BROJ PREDLOŽENIH MJERA OSIGURANJA

U ovu rubriku unosite broj predloženih mjera osiguranja u prijedlogu (ili zbirno u svim prijedlozima) podnesenim u predmetu u toku 2022. godine. Ukoliko nije bilo predloženih mjera osiguranja u 2022. godini unosite broj "0" ili ostavljate rubriku praznu.

## 8. BROJ RJEŠENJA O ODREĐIVANJU MJERA OSIGURANJA

U ovu rubriku unosite broj rješenja o određivanju mjera osiguranja donesenih u predmetu u 2022. godini. Ukoliko nije bilo donesenih rješenja o određivanju mjera osiguranja u 2022. godini unosite broj "0" ili ostavljate rubriku praznu.

## 9. BROJ ODREĐENIH MJERA

U ovu rubriku unosite broj mjera koje su određene rješenjem (ili zbirno svim rješenjima) donesenim u 2022. godini u predmetu. Ako takvih rješenja nije bilo u 2022. godini ostavite rubriku praznu ili unesite broj "0".

## 10. VRIJEDNOST OSIGURANE IMOVINE U PREDMETU (KM)

U ovu rubriku je potrebno unijeti novčanu (protu)vrijednost imovine koja je osigurana rješenjima o određivanju privremenih mjera osiguranja koja su u predmetu donesena u toku 2022. godine. Ukoliko u 2022. godini nije bilo donesenih rješenja rubriku ostaviti praznu ili unijeti broj "0". Molimo vas da obratite pažnju na zadati format za unos novčanih iznosa u tabeli (npr. hiljadustočetrdesetdvije konvertibilne marke i 48 konvertibilnih pfeniga se unosi kao **1,142.48**) te da iznose unosite u konvertibilnim markama. Ukoliko se radi o drugim valutama potrebno je da iste pretvorite u konvertibilne marke, prema dnevnoj kursnoj listi (srednji kurs) koju izdaje Centralna banka Bosne i Hercegovine, na dan 31.12.2022. godine (<https://www.cbbh.ba/CurrencyExchange/>). Ukoliko niste u mogućnosti pretvoriti iznos u konvertibilne marke molimo vas da naznačite o kojoj se valuti radi.

**Napomena: Ukoliko iz bilo kojeg razloga nije moguće iskazati novčanu protuvrijednost imovine ili dijela imovine koja je osigurana rješenjem(ima) o određivanju mjera osiguranja, molimo vas da razlog naznačite u rubrici "KOMENTARI" i da pobliže odredite imovinu na kojoj je određena mjera osiguranja, a čiju novčanu protuvrijednost nije moguće iskazati.**

## 11. BROJ PODNESENIH PRIJEDLOGA ZA TRAJNO ODUZIMANJE

Obzirom na razlike u važećem zakonodavstvu koje na pojedinim nivoima omogućavaju da u predmetu bude podnesen više od jednog prijedloga za trajno oduzimanje imovine, molimo da u ovu rubriku unesete broj prijedloga za trajno oduzimanje imovine podnesenih u predmetu u toku 2022. godine. **Nije važno da li se trajno oduzimanje predlagalo u samoj optužnici u skladu sa Krivičnim zakonom i Zakonom o krivičnom postupku ili u posebnom prijedlogu u skladu sa posebnim zakonodavstvom** o oduzimanju imovine stečene izvršenjem krivičnog djela, svaki prijedlog se bilježi. Primjerice, ukoliko je tužilac u optužnici istakao prijedlog za trajno oduzimanje imovine, to će se bilježiti kao jedan (1) podneseni prijedlog. Jednako tako, ukoliko je prijedlog podnesen uz optužnicu ili nakon podizanja optužnice ili čak nakon okončanja krivičnog postupka (primjerice u RS-u), ti će se prijedlozi takođe bilježiti u ukupan broj prijedloga za trajno oduzimanje u ovoj rubrici. Važno je da je u predmetu predloženo oduzimanje imovine u 2022. godini. Ukoliko nije predloženo u 2022. godini ostaviti rubriku praznu ili unijeti broj "0".

## 12. VRIJEDNOST IMOVINE ZA KOJU JE PREDLOŽENO TRAJNO ODUZIMANJE (KM)

U ovu rubriku je potrebno unijeti novčanu (protu)vrijednost imovine za koju je u 2022. godini podnesen prijedlog za trajno oduzimanje (dakle, ukoliko ste takve prijedloge prethodno registrovali u predmetu). Ukoliko u 2022. godini nije u predmetu podnesen prijedlog za trajno oduzimanje, rubriku ostaviti praznu ili unijeti broj "0". Molimo vas da obratite pažnju na zadati format za unos novčanih iznosa u tabeli (npr. hiljadustočedrdsetdvije konvertibilne marke i 48 konvertibilnih pfeniga se unosi kao **1,142.48**) te da iznose unosite u konvertibilnim markama. Ukoliko se radi o drugim valutama potrebno je da iste pretvorite u konvertibilne marke, prema dnevnoj kursnoj listi (srednji kurs) koju izdaje Centralna banka Bosne i Hercegovine, na dan 31.12.2022. godine (<https://www.cbbh.ba/CurrencyExchange/>). Ukoliko niste u mogućnosti pretvoriti iznos u konvertibilne marke molimo vas da naznačite o kojoj se valuti radi.

**Napomena: Ukoliko iz bilo kojeg razloga nije moguće iskazati novčanu protuvrijednost imovine ili dijela imovine za koju se predlaže trajno oduzimanje, molimo vas da razlog naznačite u rubrici "KOMENTARI" i da pobliže odredite imovinu za koju je predloženo trajno oduzimanje, a čiju novčanu protuvrijednost nije moguće iskazati.**

## 13. PRVOSTEPENA ODLUKA

Za prvostepenu odluku unosite slijedeće podatke **samo ukoliko je ona donesena u 2022. godini:**

**a) DONESENA PRVOSTEPENA PRESUDA KOJOM SE IZRIČE MJERA TRAJNOG ODUZIMANJA**

Unijeti "1" ukoliko je prvostepena presuda donesena u 2022. godini, ostaviti prazno ili unijeti "0" ukoliko presuda nije donesena u 2022. godini.

**b) DONESENO PRVOSTEPENO RJEŠENJE O TRAJNOM ODUZIMANJU IMOVINE (za nivo Republike Srpske)**

Unijeti "1" ukoliko je prvostepeno rješenje doneseno u 2022. godini, ostaviti prazno ili unijeti "0" ukoliko rješenje nije doneseno u 2022. godini.

**c) IZREČENA MJERA PROŠIRENOG ODUZIMANJA**

Unijeti "1" ukoliko je u prvostepenoj presudi ili prvostepenom rješenju izrečena mjera proširenog oduzimanja imovine, a "0" ili ostaviti prazno ukoliko nije.

**d) IMOVINA ODUZETA OD TREĆIH LICA**

Unijeti "1" ukoliko je u prvostepenoj presudi ili prvostepenom rješenju oduzeta imovina od trećih lica. U protivnom unijeti broj "0" ili ostaviti prazno.

**e) VRIJEDNOST TRAJNO ODUZETE IMOVINE U PRVOSTEPENIM ODLUKAMA (KM)**

Unijeti novčanu (protu)vrijednost imovine koja je oduzeta prvostepenim odlukama. Molimo vas da obratite pažnju na zadati format za unos novčanih iznosa u tabeli (npr. hiljadustočedrsetdvije konvertibilne marke i 48 konvertibilnih pfeniga se unosi kao **1,142.48**) te da iznose unosite u konvertibilnim markama. Ukoliko se radi o drugim valutama potrebno je da iste pretvorite u konvertibilne marke, prema dnevnoj kursnoj listi (srednji kurs) koju izdaje Centralna banka Bosne i Hercegovine, na dan 31.12.2022. godine (<https://www.cbbh.ba/CurrencyExchange/>). Ukoliko niste u mogućnosti pretvoriti iznos u konvertibilne marke molimo vas da naznačite o kojoj se valuti radi.

**f) DONESENA PRAVOSNAŽNA PRVOSTEPENA PRESUDA KOJOM SE IZRIČE MJERA TRAJNOG ODUZIMANJA**

Unijeti "1" ukoliko je prvostepena presuda, kojom se izriče mjera trajnog oduzimanja, donesena u 2021. godini pravosnažna, ostaviti prazno ili unijeti "0" ukoliko prvostepena presuda, kojom se izriče mjera trajnog oduzimanja, donesena u 2022. godini nije pravosnažna.

**14. DRUGOSTEPENA ODLUKA**

Za drugostepenu odluku unosite slijedeće podatke **samo ukoliko je ona donesena u 2022. godini:**

**a) DONESENA DRUGOSTEPENA PRESUDA KOJOM SE IZRIČE MJERA TRAJNOG ODUZIMANJA**

Unijeti "1" ukoliko je drugostepena presuda donesena u 2022. godini, ostaviti prazno ili unijeti "0" ukoliko presuda nije donesena u 2022. godini. **U rubrici "KOMENTARI" poželjno je da naznačite da li je presuda pravosnažna.**

**b) DONESENO DRUGOSTEPENO RJEŠENJE O TRAJNOM ODUZIMANJU IMOVINE (za nivo Republike Srpske)**

Unijeti "1" ukoliko je drugostepeno rješenje doneseno u 2022. godini, ostaviti prazno ili unijeti "0" ukoliko rješenje nije doneseno u 2022. godini. **U rubrici "KOMENTARI" poželjno je da naznačite da li je rješenje pravosnažno.**

**c) IZREČENA MJERA PROŠIRENOG ODUZIMANJA**

Unijeti "1" ukoliko je u drugostepenoj presudi ili drugostepenom rješenju izrečena mjera proširenog oduzimanja imovine, a "0" ili ostaviti prazno ukoliko nije.

**d) IMOVINA ODUZETA OD TREĆIH LICA**

Unijeti "1" ukoliko je u drugostepenoj presudi ili drugostepenom rješenju oduzeta imovina od trećih lica. U protivnom unijeti broj "0" ili ostaviti prazno.

**e) VRIJEDNOST TRAJNO ODUZETE IMOVINE U DRUGOSTEPENIM ODLUKAMA (KM)**

Unijeti novčanu (protu)vrijednost imovine koja je oduzeta drugostepenim odlukama. Molimo vas da obratite pažnju na zadati format za unos novčanih iznosa u tabeli (npr. hiljadustočedrsetdvije konvertibilne marke i 48 konvertibilnih pfeniga se unosi kao **1,142.48**) te da iznose unosite u konvertibilnim markama. Ukoliko se radi o drugim valutama potrebno je da iste pretvorite u konvertibilne marke, prema dnevnoj kursnoj listi (srednji kurs) koju izdaje Centralna banka Bosne i Hercegovine, na dan 31.12.2022. godine (<https://www.cbbh.ba/CurrencyExchange/>). Ukoliko niste u mogućnosti pretvoriti iznos u konvertibilne marke molimo vas da naznačite o kojoj se valuti radi.

## **15. VRIJEDNOST IMOVINE VRAĆENE NA DRUGI NAČIN (DOBROVOLJNO)**

Ova rubrika unesena je kako bi se omogućilo bilježenje novčane (protu)vrijednosti imovine koja je vraćena u budžet na drugi način, odnosno dobrovoljno, ali u vezi sa određenim predmetom. U praksi postoje primjeri predmeta kojim je prije sačinjavanja sporazuma o priznanju krivnje od optuženog traženo da (kao uslov za sačinjavanje sporazuma) vrati stečenu korist u budžet, što je optuženi i učinio. **Ova imovina bi se bilježila odvojeno jer ne ulazi u zbir vrijednosti trajno oduzete imovine po sudskoj odluci obzirom da je vraćena prije donošenja odluke.**

## **16. KOMENTARI**

U ovoj rubrici imate mogućnost da stavite bilo koji komentar koji dodatno pojašnjava određeni podatak koji ste u tabeli unijeli (npr. obavezno naznačite da li je drugostepena presuda pravosnažna) ili razloge iz kojih podatak nije moguće unijeti ili bilo koji drugi komentar koji smatrate neophodnim.

## **17. PODACI UNESeni U TCMS MODUL ZA EVIDENTIRANJE PODATAKA O PROTIVPRAVNO STEČENOJ IMOVINSKOJ KORISTI**

Unijeti "Da" ukoliko su podaci o protivpravno stečenoj imovinskoj koristi uneseni u TCMS Modul, unijeti "Ne" ukoliko navedeni podaci nisu uneseni u TCMS Modul.

## **II. POPUNJAVANJE TABELE "TUŽILAŠTVO ZBIRNO"**

U prvi red u tabeli "Tužilaštvo zbirno" unesite naziv tužilaštva.

Tabela "Tužilaštvo zbirno" popunjava se prenošenjem podataka za svakog tužioca i svaki njegov pojedinačni predmet koji su iskazani u tabeli "Pojedinačni tužilac". Potrebno je da se podaci grupišu po tužiocu u uzastopnim redovima u tabeli "Tužilaštvo zbirno".

## **III. DOSTAVLJANJE POPUNJENOG OBRASCA "EVIDENCIJA ZA SVA KRIVIČNA DJELA U KOJIMA SE ODUZIMA IMOVINSKA KORIST"**

Tužilaštvo je dužno da redovno unosi tražene podatke u tabele evidencije. Evidencija sa podacima se dostavlja VSTV BiH do 01.02. za prethodnu godinu, putem e-mail adrese [vstvpravosudnauprava@pravosudje.ba](mailto:vstvpravosudnauprava@pravosudje.ba) Također, Tužilaštvo u istom roku dostavlja informaciju VSTV BiH da u izvještajnom periodu nije bilo predmeta za koje se dostavljaju traženi podaci.